

TITULUS I

DE REBUS ECCLESIAE TEMPORALIBUS IN GENERE

726. **Ecclesia habet jus acquirendi et possidendi bona temporalia.** Ex jure publico, probatur Ecclesiam esse societatem perfectam, a qualibet alia societate independentem, et omnibus mediis instructam unde suum finem consequatur. Atqui ad cultum Dei et salutem animarum, aedificanda sunt templa et altaria, comparanda ornamenta et vasa sacra ad divinum cultum spectantia; alendi sunt episcopi, presbyteri et ministri qui Ecclesiae inserviunt; clerici in litteris et bonis moribus sunt instituendi, etc, quae omnia sine magnis sumptibus fieri non possunt. Unde Ecclesia ex sua constitutione et divini Fundatoris voluntate, *independenter a societate civili*, habet jus possideudi bona sive mobilia, sive immobilia. (1)

1^o Hinc in Syllabo damnatae sunt propositiones 26^a et 27^a:

“Ecclesia non habet nativum ac legitimum jus acquirendi ac possidendi.”

“Sacri ministri Ecclesiae, Romanusque Pontifex ab omni rerum temporalium cura ac dominio sunt omnino excludendi.”

2^o Hinc sequitur legem *amortizationis*, qua generatim statuitur ne res immobiles *in manus mortuas*, nempe in ecclesias seu alia loca pia, *sine consensu potestatis civilis*, transferantur, non modo *iniquam* esse et Ecclesiae *injuriousam* sed *de se invalidam* esse ob defectum jurisdictionis. Nam jus quo pollet Ecclesia acquirendi et possideudi congruam dotem est divinum et minui nequit auctoritate inferiori. Cf. Cavagnis, Institutiones Juris Publici, lib. II, cap. 2, num. 368 et seq.; Bargilliat, vol. II, num. 1345.

(1) Probatur etiam ex modo agendi Ecclesiarum. Nam Ecc. nequit errare in ea spectantis ad fidem, mores et disciplinam. Atque semper Ecc. militavit sibi jure acquirendi et possidendi bona temporalia. Rgo...